

Ahl Hüser

En Kölle jitt et vill,
ahl Hüser bunt un jrau
un wenn mer nöher hinluurt,
dann süht mer et genau,
wat se all verzälle,
vun verjanger Zigg.
Vielleicht welle se saage:
„Minge Wäch wor janz schön wigg!“

An verjangene Zigge denke,
es schön un deiht nit wieh,
dozo e Leedche singe,
wat well mer dann noch mieh?

Sich Zigg doför ze nemme,
wenn mir ahl Hüser sin,
ich jläuv un ben mir sicher,
do es jet för uns dren.



Bild: Martin Roblitschka